



列傳卷第二百四十五 宋史四百八十六

開禧儀同三司上柱國權國軍事前書君丞相襲修國史領議事都統兼太子太師

勅修

外國二

夏國下

秉常毅宗之長子母曰恭肅章憲皇后梁氏治平四年冬即位時年七歲梁太后攝政熙寧元年三月遣新河北轉運使刑部郎中薛宗道等來告哀神宗問殺楊定事宗道言殺人者先已執送之矣乃賜詔慰之并諭令上大首領數人姓名當爵祿之俟崇貴至

二百六十字
即行冊禮及崇貴至云定奉使諒祚常拜稱臣且許以歸沿邊熟戶諒祚遺之寶劍寶鑑及金銀物初定之歸上其劍鑑而匿其金銀言諒祚可刺帝喜遂擢知保安既而夏人失綏州以為定賣已故殺之至是事露帝薄崇貴等罪而削定官沒其田宅萬計二年二月遣河南監牧使劉航等冊秉常為夏國主三月夏人入秦州陷劉溝堡殺范愿既而進誓表乞班誓詔及請以安遠塞門二砦易綏州初朝議欲官爵夏之首領計分其勢郭達以為彼必不受詔且彼既恭順宣布以大信不當誘之以利秉常果不奉詔遣都

羅重進來言曰上方以孝治天下奈何反教小國之臣叛其君哉於是前議遂罷乃盟誓詔而綏州待得二砦迺還夏主受冊而二砦不歸且欲先得綏州遣罔萌訛以誓詔來言及趙高往交地萌訛對以朝廷本欲得二砦地界非所約尚曰若然塞門一墻墟耳安用之遂罷詔城綏州八月表請去漢儀復用蕃禮從之十月遣使來謝封冊三年五月夏人號十萬築開訛堡知慶州李復圭合蕃漢兵纔三千偏遣偏將李信劉甫种詠等出戰信等訴以衆寡不敵復圭威以節制親畫陣圖方畧授之兵進遂大敗復圭懼欲

自解即執信等而取其圖畧命州官李昭用劾以故
 違節制詠瘦死獄中斬信甫配流郭貴復出兵邛州
 堡夜入欄浪市掠老幼數百又襲金湯而夏人已去
 惟殺其老幼一二百人以功告捷而邊怨大起矣八
 月夏人遂大舉入環慶攻大順城柔遠砦原堡淮
 安鎮東谷西谷二砦業樂鎮兵多者號二十萬少者
 不下一二萬屯榆林距慶州四十里游騎至城下九
 日乃退鈐轄郭慶高敏魏慶宗秦勃等死之四年正
 月种諤謀取橫山領兵先城囉兀進築永樂川賞逋
 嶺二砦分遣都監趙璞燕達築撫寧故城及分荒堆

三泉吐渾川開光砦段蘆川四砦與河東路脩築各
 相去四十餘里二月夏人來攻順寧砦復圍撫寧折
 繼昌高永能等擁兵駐細浮圖去撫寧咫尺囉兀兵
 勢尚完种諤在綏德節制諸軍聞夏人至茫然失措
 欲作書召燕達戰怖不能下筆顧轉運判官李南公
 涕泗不已於是新築諸堡悉陷將士千餘人皆沒初
 朝議以諤新築囉兀城去綏德百餘里偏梁險狹難
 於餽餉且城中無井遣李評張景憲往視之未至而
 撫寧陷遂詔棄囉兀城五月燕達以成卒輜重歸自
 囉兀為夏人邀擊達多失亡九月夏遣使入貢且以

宋史四百八十六
 卷一百一十五
 其真八馬

二若易綏州乞如舊約詔不允五年正月夏鈐轄結勝為麟州步將王文郁戰降授供奉官久之謀竄歸事覺詔聽其去六月夏人還荔原堡逃背熟戶鬼通等七十八人閏七月遣部將景思立王存以涇原兵出南路王韶由東谷徑趨武勝未至十餘里逢夏人戰遂至其城瞻樂棄城夜遁大首領曲撒四王阿南珂出奔乃城武勝十二月遣使進馬贖大藏經詔賜之而還其馬八年三月夏人以索蕃漢部盜人畜投南界者牒熙河經畧司請高太尉赴三岔堡會議牒稱大安二年乃詔廊延經畧司令牒宥州問妄稱年

號且牒非其地分邊臣會議皆違越生事是必夏主不知請問之夏人進奉山陵後期詔令先至永厚陵設祭後至闕奉慰帝謂輔臣曰元昊昔僭號遣使上表稱臣其辭猶遜朝廷不先詰其所以然而遽絕之縱邊民蕃部討虜故元昊嘗自謂為諸羌所立不得肆朝廷不得已而變西師亟戰輒敗天下騷然仁宗悔之當元昊僭書來獨諫官吳育謂難以中國叛臣處之或可稍易以名號議者皆以為不然卒困中原而後歲賜封冊為夏國主良可惜哉元豐二年六月夏人自滿堂川入大會平殺防田人馬兵官

李浦等逼逐出塞九月綏德把截楊永慶聲微循邊而掩取蕃部首級詐言斬犯邊人詔毀永慶出身文字送西京編管四年四月有李將軍清者本秦人說秉常以河南地歸宋國母知之遂誅清而奪秉常政鄜延總管种諤乃疏秉常遇弑國內亂宜與師問罪此千載一時之會帝然之遂遣王中正往鄜延環慶稱詔募禁兵從者將之詔熙河李憲等以秉常見囚大舉征夏及詔諭夏國嵬名諸部首領能拔身自歸及相率共誅國讐當崇其爵賞敢有違拒者誅九族八月中正及諤言涇原環慶會兵取靈州復討興州

麟府鄜延先會夏州取懷州渡會興州憲總七軍及董氈兵三萬至新市滅遇夏人戰敗之王中正出麟州禡諱自言皇帝親征提兵六萬才行數里即奏已入夏境屯白草平九日不進環慶經畧使高遵裕將步騎八萬七千涇原總管劉昌祚將卒五萬出慶州諤將鄜延及畿內兵九萬三千出綏德城九月諤圍米脂夏人來救戰于無定川大破之斬首五千級十月遂克米脂降守將令分訛遇進攻石州中正以河東軍度無定河循水北行地皆沙濕士馬多陷沒遂繼諤趨貞川而民皆潰軍無所得遵裕至清遠軍攻

四百字
靈州夏人決黃河灌營復抄絕餉道士卒凍溺死餘
兵纔萬三千人遂歸夏人追戰將官俞平死之中正
至宥州奈王井糧盡士卒死亡者已二萬乃引軍還
諤兵無食會大雪死遂潰入塞者纔三萬人昌祚遇
夏人于磨臍隘夏之拒者二三萬人昌祚乃分兵渡
葫蘆河奪其隘與統軍國母弟梁大王戰遂大破之
憲營于天都山下焚夏之南牟內殿并其館庫追襲
其統軍仁多咬丁敗之擒百人遂班師涇原總兵侍
禁魯福彭孫護餽餉至鳴沙川與夏人三戰敗績初
夏人聞宋大舉梁太后問策于廷諸將少者盡請戰

一老將獨曰不須拒之但堅壁清野縱其深入聚勁
兵于靈夏而遣輕騎抄絕其餽運大兵無食可不戰
而困也梁后從之宋師卒無功五年正月遼使涿州
遣書云夏國來稱宋兵起無名不測事端神宗報以
夏國主受宋封爵昨邊臣言秉常見為母黨囚辱比
今移問事端其同惡不報繼又引兵數萬侵犯我邊
界義當有征今彼以屢遭敗衄故遣使詭情陳露意
在間貳想彼必以悉察夏人聞此遂不至五月沈括
請城古烏延城以包橫山使夏人不得絕沙漠遂遣
侍中徐禧內侍押班李舜舉往議禧復請于銀夏宥

之界築永樂城永樂依山無水泉獨種諤極言不可
禧率諸將竟城之賜名銀川砦禧等還米脂以兵萬
人屬曲珍守之永樂接宥州附橫山夏人必爭之地
禧等既城去九日夏人來攻珍使報禧乃挾李舜舉
來援而夏兵至者號三十萬禧登城西望不見其際
宋軍始懼翌日夏兵漸逼禧乃以七萬陣城下坐譙
門執黃旗令衆曰視吾旗進止夏人縱鐵騎渡河或
曰此號鐵鷄子當其半濟擊之乃可有逞得地則其
鋒不可當也禧不聽鐵騎既濟震蕩衝突大兵從之
禧師敗績將校寇倖李思古高世才夏儼程博古及

使臣十餘輩士卒八百餘人盡沒詔李憲張世矩往
援及令括遣人與約退軍當還永樂地夏人進侵及
縣門潰歸城者決水砦為道以登夏人因之奔歸于
城者三萬人皆沒夏兵圍之者厚數里遊騎掠米脂
將士晝夜血戰城中之水已數日鑿井不得泉渴死
者大半括等援兵及餽運皆為夏大兵所隔夏人呼
珍來講和呂整景思義相繼而行夏人見思義囚之
而城圍者已浹旬矣夜半夏兵環城急攻城遂陷高
永能戰沒禧舜舉運使李穆皆死於亂兵惟曲珍王
湛李浦呂整裸跣走免蕃部指揮馬貴獨誓死持刀

四百八十一
殺數十人而沒是役也死者將校數百人士卒役夫
二十餘萬夏人乃耀兵米脂城下而還宋自熙寧用
兵以來凡得葭蘆吳保義合米脂浮圖塞門六堡而
靈州永樂之役官軍熟羌義保死者六十萬人錢粟
銀絹以萬數者不可勝計帝臨朝痛悼而夏人亦困
弊夏西南都統昴星嵬名濟廼移書劉昌祚曰中國
有禮樂之所存恩信之所出動止猷為必適于正若
乃聽誣受間肆詐窮兵侵人之土疆殘人之黎庶是
乖中國之體為外邦之羞昨者朝廷暴興甲兵大窮
侵討蓋天子與邊臣之議為夏國方守先誓宜出不

虞五路進兵一舉可定故去年有靈州之役今秋有
永樂之戰然較其勝負與前日之議為何如哉朝廷
於夏國非不經營之五路進討之策諸邊肆統之謀
皆嘗用之矣知徽幸之無成故終於樂天事小之道
况夏國提封一萬里帶甲數十萬南有于闐作我歡
隣北有大燕為我強援若乘間伺便角力競鬪雖十
年豈得休哉即念天民無辜受此塗炭之苦國主自
見伐之後夙夜思念為自祖宗之世事中國之禮無
或虧貢聘不敢怠而邊吏幸功上聰致感祖宗之盟
既阻君臣之分不交存亡之機發不旋踵朝廷豈不

宋史四百八十一
卷之四
廿一
身

四百六十一
恤哉至於魯國之憂不在顯更隋室之變生於楊感
此皆明公得於胸中不待言而後喻今天下倒垂之
聖正在英才何不進讜言闢邪議使朝廷與夏國歡
好如初主民重見大平豈獨夏國之幸乃天下之幸
也昌祚上其書帝喻答之六年二月夏人六舉圍蘭州
已奪兩關門鈐轄王文郁集死士七百夜縱城而下
持短兵突營遂拔去五月復來圍九日大戰侍禁章
禁死之乃解去閏六月遣使謨箇咩迷乞遇來貢表
曰夏國累得西蕃征王子書稱南朝與夏國交戰歲
久生靈荼毒欲擬通和緣夏國先曾請所侵疆土不

從以來未便輕許西蕃再遣使散八昌邵丹星等
到國稱南朝語言計會但當遣使齎表自令引赴南
朝切念臣自歷世以來貢奉朝廷無所虧怠至於近
歲尤甚歡和不意儉人誣間朝廷特起大兵侵奪疆
土城砦因茲構怨歲致交兵今乞朝廷示以大義特
還所侵倘垂開納別效忠勤乃賜詔曰頃以權強敢
行廢辱朕用震驚令邊臣往問匿而不報王師徂征
蓋討有罪今遣使造庭辭禮恭順仍聞國政悉復故
常益用嘉納已戒邊吏毋輒以兵尔亦其守先盟遂
詔陝西河東經畧司其新復城砦徼循毋出三二里

夏之歲賜如舊七年正月圍蘭州李憲戰却之六月
攻德順軍巡檢王友戰死九月圍定西城燒龕谷族
帳遂以十月至靜邊鈐轄彭孫敗之殺其首領仁多
唃丁十二月攻清遠隊將白玉李貴死之八年三月
柙宗崩賜以遺留物夏人攻葭廬供奉王英戰死七
月遣使丁拏鬼名謨鏗副使呂則陳聿精等來奠慰
十月遣色良菟名濟賴昇聶張聿正進助山陵禮物
夏國主母梁氏薨訃至以朝散郎刑部郎中杜紘充
祭奠使東頭供奉官閣門祗候王有言充弔慰使夏
以主母遺留物來進元祐元年二月始遣使入貢五

月遣鼎利罔豫章米賀哲宗即位六月復遣訛囉聿
來求所侵蘭州米吐阻等五砦使未至蘇轍兩疏請因
其請地而與之司馬光言此邊鄙安危之機不可不
察靈夏之役本由倖以起新開數砦皆是彼田今既許
其內附豈宜靳而不與彼必曰新天子即位我卑辭
辱禮以事中國庶幾歸我侵疆今猶不許則是恭順
無益不若以武力取之小則上書恃慢大則攻陷新
城當此之時不得已而與之其為國家之恥無乃甚
於今日乎群臣猶有見小忘大守近遺遠惜此無用
之地使兵連不解為國家之憂願決聖心為兆民計

時異議者衆唯文彥博與光合遂從之秋七月乙丑
 秉常殂時年三十六在位二十年改元乾道二年天
 賜禮盛國慶五年大安十一年天安禮定一年謚曰
 康靖皇帝廟號惠宗墓號獻陵子乾順立 乾順

惠宗之長子也母曰昭簡文穆皇后梁氏生三歲即
 位元祐元年十月以父殂遣使呂則罔聿謨等采告
 哀詔自元豐四年用兵所得城砦待歸我陷執民當
 畫以給還乃遣金部員外郎穆衍充祭奠使供備庫
 使張楙充弔慰使夏遣使進馬駝來賀龍興節二年
 正月遣權樞密院都承旨公事劉奉世為冊禮使崇

儀副使崔象先副之冊乾順為夏國主仍節度西平
 王三月夏遣大使映吳嵬名諭密副使廣樂毛示聿
 等詣太皇太后進馳馬以謝奠慰七月夏人攻鎮戎
 軍諸堡劉昌祚等禦之而退三年三月攻德靖砦諸
 將米贊郝普戰死詔劉昌祚以涇原萬人駐德順軍
 熙河五千人駐通遠軍據秦鳳要害以為犄角夏人
 遂攻龕谷砦砦兵及東關堡巡檢等戰不利死者幾
 百人四年二月始遣使謝封冊六月稍歸永樂所獲
 人遂以葭蘆米脂浮圖安疆四砦與之而畫界未定
 遣崇儀使董正叟如京使李玩押賜夏國生日禮物

四百八十一
及冬服七月坤成節十二月興龍節皆遣使來賀五年六月夏人來言畫疆界者不依綏州內十里築堡鋪供耕牧外十里立封堠作空地例以辨兩國界詔曰已諭邊臣如約夏之封界當亦體此冬攻蘭州之質孤勝如堡既而遣使來賀正旦六年七月遣使來賀坤成節九月圍麟府三日殺掠不計邠延都監李儀等盡沒七年屢攻綏德城以重兵壓涇原境留五旬大掠示壘于沒烟峽口以自固游師雄請自蘭州李諾平東抵通遠定西通渭之間建汝遮納迷結珠龍三砦及置護耕七堡以固藩籬穆衍請於質孤勝

如二堡之間城守諾平以控要害議未決秦鳳都監康謂以為夏之所以未臣附而屢肆兵者以我勢分於隄備兵未練而賞罰失當耳若擇銳結伍伺彼之動聚則先擊散則復襲則彼分而我聚以衆擊寡可得志也詔謂詣闕而下其事於諸道八年四月復遣使以蘭州一境易塞門二砦詔數其違順不常而却其請紹聖元年二月夏進馬助太皇太后山陵復遣使再議易地詔不允三年九月大入邠延西自順寧招安砦東自黑水安定中自塞門龍安金明以南二百里間相繼不絕至延州北五里十月忽自長城一

四頁
日馳至金明列營環城國主子母親督桴鼓縱騎四
掠知麟州有備復還金明而後騎之精銳者留龍安
邊將悉兵掩擊不退金明乃破守兵二千八百人惟
五人得銳城中糧五萬石草十萬束皆盡將官皇城
使張俞死之既還留一書置漢人頸上曰貸汝命為
我接於經畧使處其言曰夏國昨與朝廷議疆場惟
有小不同方行理究不意朝廷改悔却於坐圍鋪處
立界本國以恭順之故亦罷勉聽從遂於境內立數
堡以護耕而廊延出兵悉行平蕩又數數入界殺掠
國人共憤欲取延州以恭順止取金明一砦以示

兵鋒亦不失臣子之節也延帥呂惠卿上于樞密院
而不以聞初哲宗聞夏人來寇泰然笑曰五十萬眾
深入吾境不過十日勝不過一二砦湏去已而果破
金明引退四年正月涇原都鈐轄王文振率諸將破
沒煙峽新砦斬獲三千餘級二月夏復以七萬眾攻
綏德廊延將兵戰退之元符元年十二月涇原折可
適掩夏西壽統軍嵬名阿埋監軍妹勒都逋獲之彗
星見乾順赦國中二年正月國母梁氏薨遼遣使蕭
德崇來為夏人議和乃復書謂若果出至誠深悔謝
罪當徐度所宜開以自新之路五月夏蘭會正鈐轄

革瓦孃以部落來降授內殿崇班賜銀絹緡錢各三百七月環州种朴徼赤羊川獲賞囉訛乞家屬百五十餘口孳畜五千夏人千餘騎來追戰却之擒監軍訛勃囉及首領淚丁訛遇詔令赴闕存恤訛乞家屬又遣人持其家信號往招之九月夏人來告國母哀因上表謝過詔夏主省所上表能抗章引慝已諭邊臣我疆彼界毋相侵犯已而夏以二千騎出浮圖岔來戰供奉官陳告差使李戴死之閏九月古邈川部族叛熙河將王愍率兵掩擊翌日夏人馬數萬圍愍等力戰敗之擒其鈐轄鬼名乞遇統制苗履又戰於

青唐峽夏人敗績十二月遂遣令能鬼名濟等進誓表曰臣國久不幸時多遇凶兩經母黨之擅權累為奸臣之竊命頻生邊患增怒上心釁端既深理訴難達幸凶黨伏誅稚躬反正遐馳懇奏陳前咎之所歸乞紹先盟果淵衷之俯納故班詔而申諭獲貢誓以輸誠謹當飭疆吏而永絕爭端戒國人而常遵聖化違約則凶咎再降背盟則基緒非延約束事條恭依處分詔報曰尔以凶黨造謀數干邊吏而能悔過請命祈紹先盟念彼種人均吾赤子措之安靜乃副朕心嘉尔自新俯從厥志尔無爽約朕不食言自今已

往歲賜仍舊三年正月哲宗崩徽宗即位九月夏遣使來奠慰及賀即位十月復遣使來賀天寧節建中靖國元年乾順始建國學設弟子員三百立養賢務以廩食之崇寧三年蔡京秉政使熙河王厚招夏國卓羅右廂監軍仁多保忠厚云保忠雖有歸意而下無附者童數上不聽京愈責厚急乃遣弟詣保忠許還為夏之邏者所獲遂追保忠赴牙帳厚以保忠縱不為所殺亦不能復領軍政使得之一匹夫耳何益於事京怒必令金帛招致之夏乃點兵延渭慶三路各數千騎出沒聲言假兵于遼矣三年遼以成安公

主嫁乾順四年詔西邊能招致者毋問首從賞同斬級令用京計也陶節夫在延州大加招誘乾順遣使異請皆拒之又令殺其牧放者夏人遂入鎮戎畧數萬口執知廓州高永年而去又攻湟州自是兵連者三年大觀元年始遣人脩貢政和四年冬環州定遠大首領夏人李訛哆以書遺其國統軍梁哆陵曰我居漢二十年每見春廩既虛秋庾未積糧草轉輸例給空券方春未秋土有饑色若捲甲而趨徑擣定遠唾手可取定遠既得則旁十餘城不攻而下矣我儲穀累歲闕地而藏之所在如是大兵之來斗糧無積

可坐而飽也哆陵遂以萬人來迎轉運使任諒先知其謀募民盡發窖穀哆陵圍定邊失所截越七日訛哆遂以其部萬餘歸夏乾順築臧底河城遂詔河東節度使童貫為陝西經畧以討之五年春遣熙河經畧劉法將步騎十五萬出湟州秦鳳經畧劉仲武將兵五萬出會州貫以中軍駐蘭州為兩路聲援仲武至清水河築城屯守而還法與夏人右廂軍戰於古骨龍大敗之斬首三千級貫奏凱皆遷秩仲武王厚復合涇原鄜延環慶秦鳳之師攻夏臧底河城敗績死者十四五秦鳳第三將全軍萬人皆沒厚懼厚

賂貫而匿之冬夏人以數萬騎畧鞏關而去六年春劉法劉仲武合熙秦之師十萬攻夏仁多泉城三日不克援後期不至城中請降法受其降而屠之獲首三千級种師道以十萬眾復攻臧底河城克之十一月夏人大舉攻涇原靖夏城時久無雪夏先使數萬騎繞城踐塵漲天兵對不覩乃潛穿壕為地道入城中城遂陷復屠之而去宣和元年童貫復逼劉法使取朔方方法不得已引兵二萬出至統安城遇夏國主弟察哥郎君率步騎為三陣以當法前軍而別遣精騎登山出其後大戰移七時前軍楊惟忠敗入中軍

後軍焦安節敗入左軍朱定國力戰自朝及暮兵不食而馬亦渴死多法乘夜遁比明走七十里至盍朱崦守兵見追之墜崖折足為一別瞻軍斬首而去是役死者十萬貫隱其敗而以捷聞察哥見法首測然語其下曰劉將軍前敗我於古骨龍仁多泉吾常避其鋒謂天生神將豈料今為一小卒梟首哉其失在恃勝輕出不可不戒遂棄勝圍震武劉仲武何瓘等赴之乃解去震武在山峽中熙秦兩路不能餉自築三歲間知軍李明孟清皆為夏人所殺初夏人陷法軍圍震武欲拔之察哥曰勿破此城留作南朝病塊

乃自引去而宣撫司受解圍之賞者數百人實自去之也諸路所築城砦皆不毛夏所不爭之地而關輔為之蕭條果如察哥之言十月夏遣使來賀天寧節授以誓詔不取貫不能屈但迫館伴強之使持還及邊遂棄之而去賈炎得而上之貫始大沮欽宗即位遣使來賀正旦先是金人滅遼黏罕遣撒拇使夏國許割天德雲內金肅河清四軍及武州等八館之地約攻麟州以牽河東之勢靖康元年三月夏人遂由金肅河清渡河取天德雲內武州河東八館之地四月陷震威城兵馬監押朱昭死之繼而金貴人兀室

晉
以數萬騎陽為出獵掩至天德逼逐夏人悉奪有其地夏人請和金人執其使歲丁未乾德改元正德時建炎元年也是歲九月金帥兀朮回雲中遣保靜軍節度使楊天吉約侵宋乾順許之十月通問使傅雱見金左監軍希尹于雲中希尹以國書授雱為夏國請熙寧以來侵地蓋彼既奪其地乃責償于宋以報之二年正月以主客員外郎謝亮為陝西撫諭使兼宣諭使從事郎何洋為太學博士持詔書賜乾順亮西入關廊延緡各使王庶遺亮書曰大夫出疆有可以安社稷利國家者專之可也夏國為患小而緩

金人為患大而急方其挫銳熙河奔北廊延秋稼未登兵士困餓閣下苟能仗節督諸路協同義舉雖未足盡雪舊恥亦可驅逐渡河全秦奠枕徐圖恢復矣亮不能用遂由環慶入西夏慶曆後夏國主嘗以賓禮見使者亮至乾順乃倨然見之留居幾月始與約和罷兵亮歸而夏之兵已躡其後襲取定邊軍明年亮還行在二月金帥屢宿連陷長安鳳翔隴右大震夏人謀知關陝無備遂檄延安府言大金割廊延以隸本國須當理索敢違拒者發兵誅討之帥臣王庶檄報曰金人初犯本朝嘗以金肅河清界尔今誰與

守國家以奸臣貪得不恤鄰好遂至于此貪利之臣何國無之豈意夏國躬蹈覆轍比聞金人欲自涇原徑擣興靈方切寒心不圖尚欲乘人之急幕府雖士卒單寡然類皆節制之師左支右吾尚堪一戰果能辦此何用多言因遣諜間其用事臣李遇夏人竟不出是歲開封尹宗澤奏疏請北伐且言乞遣辯士西說夏國東說高麗俾出助兵三年知樞密院事張浚使川陝謀北伐欲通夏國為援奏請國書詔從之七月浚西行復以主客員外郎謝亮假太常卿權宣府慶置司參議官再使夏國四年正月浚遣亮往迄不

得其要領而還十月環慶路統制慕洵叛降于夏國紹興元年二月同州觀察副使劉惟輔棄德順軍輸款于夏夏人拒不受八月詔以夏本敵國毋復班曆日十一月川陝宣撫副使吳玠始遣人通夏國書二年九月呂頤浩言聞金夏交惡夏國屢遣人來吳玠關師古軍中宜令張浚通問以揮其情是歲餘覩謀結燕雲之人圖女直黏罕覺欲誅之餘覩父子遁入夏國夏人以其兵少不納四年十二月吳玠奏夏國數通書有不忘本朝意五年乾順改元大德七年正月吳玠奏西蕃三十八族首領趙繼忠來歸用可扼

西夏石臂十月偽齊知同州李世輔謀執金帥撒里
曷歸宋不克遂奔夏世輔父母親族在延安者金人
殺之無遺類九年夏人陷府州靈芝生於後堂高守
忠家乾順作靈芝歌俾中書相王仁宗和之乾順以
世輔為靜難軍承宣使鄜延岐雍等路經畧安撫使
世輔請兵將報延安之後夏主俾先討別種酋豪號
青面夜叉者世輔擒之以報乾順乃為出兵遣文臣
王樞武臣唃訛等隨之世輔軍至延安撒里曷走耀
州世輔購得害其父母者殺之東城聞金人降赦歸
宋河南地乃說王樞等降宋唃訛不從世輔抽刀斫之

不中遂縛樞命王晞韓護送行在五月丙午世輔以
其衆三千人歸宋授世輔護國承宣使樞密行府前
軍都統制賜名顯忠六月四日乾順殂年五十七在
位五十四年改元天儀治平四年天祐民安八年永
安三年貞觀十三年雍寧五年元德八年正德八年
大德五年謚曰聖文皇帝廟號崇宗墓號顯陵子仁
孝嗣 仁孝崇宗長子也紹興九年六月崇宗殂
即位時年十六十月詔還王樞及夏國之俘百九十
人十一月仁孝尊其母曹氏為國母十二月納后罔
氏十年夏改元大慶三月詔胡世將與夏人議入貢

夏人不報十一年六月夏樞密使慕洧弟慕濬謀反
伏誅仁孝上尊號曰制義去邪十一年九月夏國饑
十三年三月地震逾月不止地裂泉湧出黑沙歲大
饑乃立井里以分振之十三年夏改元人慶始建學
校于國中立小學于禁中親為訓導十四年彗星見
坤宮五十餘日而滅占其分在夏國十五年八月夏
重大漢太學親釋奠弟子員賜予有差十六年尊孔
子為文宣帝十七年改元天成策舉人始立唱名法
十八年復建內學選名儒主之增脩律成賜名鼎新
二十八年始立通濟監鑄錢二十九年歸宋官李宗

閩上書言夏國副使屈移嘗兩使南朝以為水冠禮
樂非他國比怨金人叛盟奪其所與地此其情可見
壬子歲粘罕嘗聚兵雲中以窺蜀夏人謂將圖已舉
國出境上以待其至今誠遣辯士往說之夏國必不
難出兵庶足為吾聲援以圖恢復書奏不報三十年
夏封其相任得敬為楚王三十一年立翰林學士院
以焦景顏王僉等為學士俾脩實錄金主亮犯四川
宣撫使吳玘檄西夏俾合兵討之三十二年夏國移
置中書樞密於內門外大禁奢侈始封制蕃字師野
利仁榮為廣惠王夏人聞金人南侵以騎兵二千至

蔡園川及馬家嶮禿頭嶺將分道入攻宣撫使吳璘
命鎮戎軍守將秦弼說諭之金兵敗夏人乃還乾道
三年五月夏國相任得敬遣間使至四川宣撫司約
共攻西蕃虞允文報以蠟書七月得敬間使再至宣
撫司夏人獲其帛書傳之金人四年夏改元乾祐得
敬以謀篡伏誅淳熙十二年二月謀報故遼國大石
牙林假道于夏以伐金密詔利西都統制吳玘與制
置使留正議之十三年四月復詔玘結夏國當時論
議可否及夏人從違史皆失書紹熙四年九月二十
日仁孝殂年七十在位五十五年改元大慶四年人

慶五年天盛二十一年乾祐二十四年謚曰聖德皇
帝廟號仁宗陵號壽陵子純佑嗣
純佑仁宗長
子也母曰章獻欽慈皇后羅氏仁宗殂即位時年十
七明年改元天慶開禧二年正月二十日廢遂殂年
三十在位十四年謚曰昭簡皇帝廟號桓宗陵號莊
陵鎮夷郡王安全立安全崇宗之孫越王仁友之子
開禧二年正月廢其主純佑自立明年改元應天嘉
定四年八月五日安全殂年四十二在位六年改元
應天四年皇建二年謚曰敬穆皇帝廟號襄宗陵號
康陵有子曰承禎齊國忠武王彥宗之子大都督府

主遵項立

遵項始以宗室策試進士及第為大

都督府主嘉定四年七月三日立時年四十九改元
光定金衛紹王崇慶元年三月遣使冊為夏國王七
年夏左樞密使萬慶義勇遣二僧齋蠟書來西邊欲
與共圖金人復侵地制置使黃誼不報其後金人南
遷議徙都長安遣元帥赤盞以重兵宿鞏州夏主畏
其侵迫乃遣樞密使都招討孛子寧忠翼赴蜀聞議
夾攻秦鞏孛子述俾利西安撫丁焞答書飭將吏嚴
兵以待時嘉定十二年三月也子述尋罷去焞持議
不可輕動師不可出十二月孛子寧遣使復申前說

且責我以失期時安丙再開宣閬許之命利州副都
統制程信任其責十三年八月孛子寧以師期未告
丙遂決意出師以奏劄聞諸朝不待報可命將大舉
卒無功夏人孛子寧鬼名公輔亦率其眾歸國十四
年正月丙回利州十六年遵項自號上皇傳位於其
子德旺寶慶二年春遵項殂年六十四改元光定十
三年謚曰英文皇帝廟號神宗丙戌七月德旺殂年
四十六改元乾定四年廟號獻宗清平郡王之子南
平王覲立二年丁亥秋為大元所取國遂亡

夏之境土方二萬餘里其設官之制多與宋同朝賀

之儀雜用唐宋而樂之器與曲則唐也河之內外州郡凡二十有二河南之州九曰靈曰洪曰宥曰銀曰夏曰石曰鹽曰南威曰會河西之州九曰興曰定曰懷曰永曰涼曰甘曰肅曰瓜曰沙熙秦河外之州四曰西寧曰樂曰廓曰積石其地饒五穀尤宜稻麥甘涼之間則以諸河為溉興靈則有古渠曰唐來曰漢源皆支引黃河故灌溉之利歲無旱澇之虞其民一家號一帳男年登十五為丁率二丁取正軍一人每負贍一人為一抄負贍者隨軍雜役也四丁為兩抄餘號空丁願隸正軍者得射他丁為負贍無則許射

正軍之疲弱者為之故壯者皆習戰鬪而得正軍為多凡正軍給長生馬馳各一團練使以上帳一弓一箭五百馬一橐駝五旗鼓槍劍棍棒抄袋披氈渾脫背索鍬鑿斤斧箭牌鐵爪箇各一刺史以下無帳無旗鼓人各橐駝一箭三百幕梁一兵三人同一幕梁幕梁織毛為幕而以木架有砲手二百人號潑喜陁立旋風砲於橐駝鞍縱石如拳得漢人勇者為前軍號撞令郎若脆怯無他伎者遷河外耕作或以守肅州有左右廂十二監軍司曰左廂神勇曰石州祥祐曰宥州嘉寧曰韋州靜塞曰西壽保泰曰卓囉和南

曰右廂朝順曰甘州甘肅曰瓜州西平曰黑水鎮燕
曰白馬強鎮曰黑山威福諸軍兵總計五十餘萬別
有擒生十萬興靈之兵精練者又二萬五千別副以
兵七萬為資贍號御園內六班分三番以宿衛每有
事於西則自東點集而西於東則自西點集而東中
路則東西皆集用兵多立虛砦設伏兵包敵以鐵騎
為前軍乘善馬重甲刺斫不入用鈎索絞聯雖死馬
上不墜遇戰則先出鐵騎突陣陣亂則衝擊之步兵
挾騎以進戰則大將居後或據高險其人能寒暑饑
渴出戰率用隻日避晦日齎糧不過一旬弓皮弦矢

沙柳籛惡雨雪書舉煙揚塵夜篝火以為候不耻奔
遁敗三日輒復至其處捉人馬射之號曰殺鬼招魂
或縛草人埋於地衆射而還篤信機鬼尚詛祝每出
兵則先卜卜有四一以艾灼羊脾骨以求兆名炙勃
焦二擗竹于地若揲著以求數謂之擗筭三夜以羊
焚香祝之又焚穀火布靜處晨屠羊視其腸胃通則
兵無阻心有血則不利四以矢擊弓弦審其聲知敵
至之期與兵交之勝負及六畜之畜祥五穀之凶稔
俗皆土屋惟有命者得以瓦覆之

論曰拓跋氏考諸前史可見也自赤辭納款於貞觀

立功於天寶思恭以宥州著節於咸通夏雖未稱國
而王其土久矣子孫歷王五代宋興太祖即西平王
加彝興太尉德明在祥符間已追帝其父於國中逮
元昊始顯稱帝厥後因之與金同亡槩其歷世二百
五十八年雖嘗受封冊于宋亦稱有歲幣之賜誓
詔之荅要皆出於一時之言其心未嘗有臣順之實
也元昊結髮用兵凡二十年無能折其强者乾順建
國學設弟子員三百立養賢務仁孝增至三千尊孔
子為帝設科取士又置宮學自為訓導觀其陳經立
紀傳曰不有君子其能國乎今史所載追尊謚號廟
號陵名兼採夏國樞要筆書其與舊史有所抵牾則
闕疑以俟知者焉

列傳卷第二百四十五

四十一
史記卷之三十一
甲寅

列傳卷第二百四十六 宋史四百八十七

開元儀司上柱國錄軍國事南書省左相兼修國史領經筵事都統兼監

勳

外國三

高麗

高麗本曰高句驪禹別九州屬冀州之地周為箕子之國漢之玄菟郡也在遼東蓋扶餘之別種以平壤城為國邑漢魏以來常通職貢亦屢為邊寇隋煬帝再舉兵唐太宗親駕伐之皆不克高宗命李勣征之遂拔其城分其地為郡縣唐末中原多事遂自立君

宋史四百八十七

黃安撫

長後唐同光天成中其主高氏累奉職貢長興中權
知國事王建承高氏之位遣使朝貢以建爲公荒州
都督充大義軍使封高麗國王晉天福中德來朝貢
開運二年建死子武襲位漢乾祐末武死子昭權知
國事周廣順元年遣使朝貢以昭爲特進檢校太保
使持節玄菟州都督大義軍使高麗國王顯德二年
又遣使來貢加開府儀同三司檢校太尉又加太師
建隆三年十月昭遣其廣評侍即李興祐副使李勵
希判官李彬等來朝貢四年春降制曰古先哲后奄
宅中區曷嘗不同文軌於萬方覃聲教於四海願子

涼德猥被鴻名爰致賓王宜優錫命開府儀同三司
檢校太師玄菟州都督充大義軍使高麗國王昭日
邊鍾粹遼左推雄習箕子之餘風撫朱蒙之舊俗而
能占雲候海奉贄充庭言念傾輸實深嘉尚是用賜
之懿號醕以公田載推柔遠之恩式獎拱辰之志於
戲來朝萬里美愛戴之有孚柔撫四封庶混并之無
外永保東裔聿承天休可加食邑七千戶仍賜推誠
順化保義功臣其年九月遣使時贄等來貢涉海值
大風船破溺死者七十餘人贄僅免詔加勞恤開寶
五年遣使以方物來獻制加食邑賜推誠順化守節

保義功臣進奉使內議侍郎徐熙加檢校兵部尚書
副使內奉鄉崔鄴加檢校司農卿並兼御史大夫判
官廣評侍郎康禮試少府少監錄事廣評員外郎劉
隱加檢校尚書金部郎中皆厚禮遣之昭卒其子佑
權領國事九年佑遣使趙遵禮奉土貢以父沒當承
襲來聽朝旨授佑檢校太保玄菟州都督大義軍使
封高麗國王太宗即位加檢校太傅改大義軍爲大
順軍遣左司禦副率于延超司農寺丞徐昭文使其
國佑遣國人金行成入就學於國子監太平興國二
年遣其子元輔以良馬方物兵器來貢其年行成擢

進士第三年又遣使貢方物兵器加佑檢校太師以
太子中允直舍人院張洎著作郎直史館句中正爲
使四年復遣供奉官閻門祇候王僕使其國五年六
月再遣使貢方物六年又遣使來貢七年佑卒其弟
治知國事遣使金全奉金銀線罽錦袍褥金銀飾刀
劍弓矢名馬香藥來貢且求襲位授治檢校太保玄
菟州都督充大順軍使封高麗國王以監察御史李
巨源禮記博士孔維奉使雍熙元年遣使韓遂齡以
方物來貢二年加治檢校太傅遣翰林侍書王著侍
讀呂文仲充使三年出師北伐以其國接劫舟境常

為所侵遣監察御史韓國華賚詔諭之曰朕誕膺丕
 構奄宅萬方華夏蠻貊罔不率俾蠢茲北裔侵敗王
 略幽薊之地中朝土疆晉漢多虞黃緣盜據今國家
 照臨所及書軌大同豈使齊民陷諸獷俗今已董齊
 師旅殄滅妖氛惟王久慕華風素懷明略效忠純之
 節撫禮義之邦而接彼邊疆罹於蠱毒舒泄積憤其
 在茲乎可申戒師徒迭相掎角協比隣國同力盪平
 奮其一鼓之雄戡此垂亡之寇良時不再王其圖之
 應俘獲生口牛羊財物器械並給賜本國將士用申
 賞勸先是契丹伐女真國路由高麗之界女真意高

麗誘導構禍因貢馬來愬丁朝且言高麗與契丹結
 好倚為勢援剽略其民不復放還洎高麗使韓遂茲
 入貢太宗因出女真所上告急木契以示遂齡仍令
 歸白本國還其所俘之民治聞之憂懼及國華至令
 人言於國華曰前歲冬末女真馳木契來告稱契丹
 興兵入其封境恐當道未知宜豫為之備當道與女
 真雖為隣國而路途遐遠彼之情偽素知之矣貪而
 多詐未之信也其後又遣人告曰契丹兵騎已濟梅
 河當道猶疑不實未暇營救俄而契丹雲集大擊女
 真殺獲甚眾餘族敗散逃遁而契丹屢背追捕及于

當道西北德昌德成威化光化之境俘擒而去時有
 契丹一騎至德米河北大呼關城戍卒而告曰我契
 丹之騎也女真寇我邊鄙率以為常今則復仇已畢
 整兵回矣當道雖聞師退猶憂不測乃以女真避兵
 來奔二千餘衆資給而歸之女真又勸當道控梅河
 津要築治城壘以為防遏之備亦以為然方令行視
 興功不意女真潛師奄至殺略吏民驅掠丁壯沒為
 奴隸轉徙他方以其歲貢中朝一取發兵報怨豈期
 反相誣構以惑聖聽當道世稟一朔踐修職貢敢有
 二心交通外國况契丹介居遼海之外復有大梅小

梅二河之阻女真渤海本無定居從何徑路以通往
 復橫罹讒謗憤氣填膺日月至明諒垂昭鑒間者女
 真逃難之衆罔不存恤亦有授以官秩尚在當國其
 職位高者有勿屈尼于郝元尹能達郝老正衛迦耶
 夫等十數人欲望召赴京闕與當道入貢之使庭辯
 其事則丹石之誠庶幾昭雪國華諾之乃命發兵西
 會治遷延未即奉詔國華屢督之得報發兵而還具
 錄女真之事以奏焉十月遣使朝貢又遣本國學生
 崔罕王彬詣國子監肄業端拱元年加治檢校太尉
 以考功員外郎兼侍御史知雜呂端超居舍人呂祐

之為使二年遣使來貢詔其使選官侍郎韓蘭卿副
 使兵官郎中魏德柔並授金紫光祿大夫判官少府
 丞李光授檢校水部員外郎先是治遣僧如可賫表
 來覲請大藏經至是賜之仍賜如可紫衣令同歸本
 國淳化元年二月詔加治食邑千戶遣戶部郎中柴
 成務兵部員外郎直史館趙化成往使其國俗信陰
 陽鬼神之事頗多拘忌每朝廷使至必擇良月吉辰
 方具禮受詔成務在館踰月乃遣書於治曰王奕葉
 藩輔尊獎王室凡行大慶者被徽章今國家特馳信
 使以申殊寵非止歷川塗之綿邈亦復蹈溟海之艱

危皇朝睽遇斯亦隆矣而乃壅於禁忌泥於卜數眩
 惑日者之浮說稽緩天子之命書惟典冊之垂文非
 卜祝之能曉是以書稱上日不推六甲之元辰禮載
 仲冬但取一陽之嘉會粲然古訓足以明稽所宜改
 圖速拜君賜儻鳳綉無滯克彰拱極之誠則龍節有
 輝免貽辱命之責謹以誠告王其聽之治覽書慚懼
 遣人致謝焉會霖雨不止仍以俟霽為請成務復遣
 書以責之治翌日乃出拜命二年遣使韓彥恭來貢
 彥恭表述治意求印佛經詔以藏經并御製祕藏銓
 道達詠蓮華心輪賜之四年正月治遣使白思柔貢

其懷土之心慰以倚門之望別垂宸旨令歸故鄉玄
造曲成鴻恩莫報臣不勝感天戴聖之至又有張仁
銓者進奉使自思柔之孔目吏也上書獻便宜思柔
意其持國陰事以告仁銓懼不敢歸上命靖等領以
還國仍詔治釋仁銓罪治又上表謝曰官告國信使
陳靖劉式至奉傳聖旨以當道進奉使從行孔目官
張仁銓至闕輒進便宜翻懷憂懼今附使臣帶歸本
國者仁銓竭宅細民海門賤吏獲趨上國敢貢愚誠
罔思狂瞽之尤輒奏權宜之事妄塵旒冕之黷朝廷
今者仰奉綸言釋其罪咎小人趨利豈虞僭越之求

聖主寬恩遠降哀矜之命其張仁銓者已依詔旨放
罪令掌事如故又上言願賜板本九經書用敦儒教
許之先是式等復命治遣使元證衍送之證衍至安
香浦口值風損船溺所賫物詔登州給證衍文據遣
還仍賜治衣段二百疋銀器二百兩羊五十口五年
六月遣使元郁來乞師懇以契丹寇境朝廷以北鄙
甫寧不可輕動干戈為國生事但賜詔慰撫厚禮其
使遣還自是受制于契丹朝貢中絕治卒弟誦立嘗
遣兵校徐遠來候朝廷德音遠久不至咸平三年其
臣吏部侍郎趙之遴命牙將朱仁紹至登州偵之州

四百一十
將以聞上特召見仁紹因自陳國人思慕皇化爲契
丹羈制之狀乃賜誦鈿函詔一道令人紹賚還六年
誦遣使戶部郎中李宣古來朝謝恩且言晉割燕薊
以屬契丹遂有路趣玄菟屢來攻伐求取不已乞王
師屯境上爲之牽制詔書優答之誦卒第詢權知國
事先是契丹既襲高麗遂築六城曰興州曰鐵州曰
通州曰龍州曰龜州曰郭州于境上契丹以爲貳已
遣使來求六城詢不許遂舉兵奄至城下焚蕩宮室
剽劫居人詢徙居昇羅州以避之兵退乃遣使請和
契丹堅以六城爲辭自是調兵守六城大中祥符三

年大舉來伐詢與女真設奇邀擊殺契丹殆盡詢又
于鴨綠江東築城與來遠城相望跨江爲橋潛兵以
固新城七年方遣告奏使御事工部侍郎尹證古以
金線織成龍鳳鞍并綉龍鳳鞍幘各二幅細馬二疋
散馬二十疋來貢證古還賜詢詔書七通并衣帶銀
綵鞍勒馬等八年詔登州置館於海次以待使者其
年又遣御事民官侍郎郭元來貢元自言本國城無
垣墻府曰開城管六縣民不下三五千有州軍百餘
置十路轉運司統之每州管縣五六小者亦三四每
縣戶三四百國境南北千五百里東西二千里軍民

雜處隸軍者不黥面方午爲市不用錢第以布米買
易地宜杭稻風俗頗類中國無羊兔橐駝水牛驢氣
候少寒暑差多有僧無道士民家器皿悉銅爲之樂
有二品曰庫樂曰鄉樂三歲一試舉人有進士諸科
筭學每試百餘人登第者不過一二十每正月一日
五月五日祭祖禰廟又正月七日家爲王母像戴之
二月望僧俗燃燈如中國上元節上巳日以青艾染
餅爲盤羞之冠端午有鞦韆之戲士女服尚素地產
龍鬚席藤席白礬紙鼠狼尾筆元辭貌恭恪每受宴
賜必自爲謝表粗有文采朝廷待之亦厚九年辭還

賜詢詔書七函襲衣金帶器幣鞍馬及經史曆日聖
惠方等元又請錄國朝登科記及所賜御詩以歸從
之天禧元年遣御事刑官侍郎徐訥奉表獻方物于
崇政殿又賀封建壽春郡王三年九月登州言高麗
進奉使禮賓卿崔元信至秦王水口遭風覆舟漂失
貢物詔遣內臣撫之十一月元信等入見貢罽錦衣
褥烏漆甲金飾長刀七首罽錦鞍馬紵布藥物等又
進中布二千端求佛經一藏詔賜經還布以元信覆
溺匱乏別賜衣服繒絳焉明州登州屢言高麗海船
有風漂至境上者詔令存問給度海糧遣還仍爲著

例五年詢遺告奏使御事禮部侍郎韓祚等一百七十九人來謝恩且言與契丹修好又表乞陰陽地理書聖惠方並賜之金行成者累官至殿中丞治表乞放還行成自以筮仕朝廷不願歸本國又以父母垂老在海外旦暮思念恨祿不及令工圖其像置正寢與妻史氏居旁室晨夕定省上食未嘗少懈淳化初通判安州被病知州李範與僚佐數人省之行成病已篤泣且言曰行成外國人為朝官佐郡政病且死未有以報主恩雖瞑目固有遺恨二子宗敏宗詢皆幼家素貧無他親可依旦暮委溝壑矣未幾行成死

其妻養二子誓不嫁繼復以給範表其事詔以宗敏補太廟齋郎令安州月給其家錢叁緡米五斛長吏歲時存問又高麗信州永寧人康戩字休祐父允三世為兵部侍郎戩少好學時紇升與契丹交兵戩從允戰木葉山下連中二矢神色不變後陷契丹適居墨斗嶺又至黃龍府間道得歸高麗時允猶在開寶中允遣戩隨賓貢肄業國學太平興國五年登進士第解褐大理評事知湘鄉縣再遷著作佐郎知江陰軍江州歷官以清白幹力聞改太常博士蘇易簡在翰林稱其吏才命為廣南西路轉運副使賜緋魚就

遷正使再轉度支員外郎戶部判官出知峽越二州
連被詔褒其能政又為京西轉運使加工部郎中賜
金紫戩所至好行事上章多建白以竭誠自任景德
三年卒真宗特以其子希齡為太常寺奉禮郎給奉
終喪乾興元年二月祚等辭歸國賜詢如故事會真
宗晏駕又賫遺物以賜詢天聖八年詢復遣御事民
官侍郎元頴等二百九十三人奉表入見於長春殿
貢金器銀罽刀劍鞍勒馬香油人參細布銅器瑠黃
青鼠皮等物明年二月辭歸賜予有差遣使護送至
登州其後絕不通中國者四十三年詢孫徽嗣立是

為文王熙寧二年其國禮賓省移牒福建轉運使羅
拯云本朝商人黃真洪萬來稱運使奉密旨令招接
通好奉國王旨意形于部述當國僻居賜谷邈戀天
朝頃從祖禰以來素願梯航相繼最爾平壤邇于大
遼附之則為睦鄰踈之則為勍敵慮邊騷之弗息蓄
陸襲以靡遑久困羈縻難圖攜貳故違述職致有積
年屢卜雲祥雖美聖辰於中國空知日遠如迷舊路
於長安運屬垂鴻禮稽展慶大朝比帶無外度豁包
荒山不謝乎織埃海不辭於反派謹當遵尋通道遄
赴豪街但茲千里之傳聞恐匪重霄之紆眷今以公

狀附真萬西還俟得報音即備禮朝貢徽又自言嘗
夢至中華作詩紀其事三年拯以聞朝廷議者亦謂
可結之以謀契丹神宗許焉命拯諭以供擬腴厚之
意徽遂遣民官侍郎金悌等百十人來詔待之如夏
國使往時高麗人往反皆自登州七年遣其臣金良
鑑來言欲遠契丹乞改塗由明州詣闕從之郡縣供
頓無舊準頗擾民詔立式頒下費悉官給又以其不
遜華言恐規利者私與交關令所至禁止徽問遣二
府甚厚詔以付市易務售縑帛答之又表求鑿藥畫
塑之工以教國人詔羅拯募願行者九年復遣崔思

訓來命中貴人做都亭西驛例治館待之寢厚其使
來者亦益多嘗獻伶官十餘輩曰夷樂無足觀止欲
潤色國史爾帝以其國尚文每賜書詔必選詞臣著
撰而擇其善者元豐元年始遣安燾左諫議大夫陳
睦假起居舍人往聘造兩艦於明州一曰凌虛安濟
致遠次曰靈飛順濟皆名爲神舟自定海絕洋而東
既至國人歡呼出迎徽具袍笏玉帶拜受詔與燾睦
尤禮館之別官標曰順天館言尊順中國如天云徽
已病僅能拜命且乞鑿藥二年遣王舜封扶鑿往診
治徽又使柳洪來謝海中遇風失所貢物洪上章自

劾敕書安慰尋獻日本所造車曰諸侯不貢車服故不敢與土貢同前此貢物至輒下有司估直償以萬緡至是命勿復估以萬緡爲定數六年徽卒在位三十八年治尚仁恕爲東夷良主然猶循其俗王女不下嫁臣庶必歸之兄弟宗族貴臣亦然次子運諫以爲旣通上國宜以禮革故習徽怒斥之于外訃聞天子閔焉詔明州修浮屠供一月遣楊景略王舜封祭奠錢勰宋球弔慰景略辟李之儀書狀帝以之儀文稱不著宜得問學博滄器宇整秀者召赴中書試以文乃遣又以遠服未責其備諭使者以相見之所殿

名鳩吻皆聽勿避徽子順王勲嗣百日卒弟宣王運仁賢好文內行飭備每賈客市書至則潔服焚香對之八年遣其弟僧統來朝求問佛法并獻經像哲宗立遣使金上琦奉慰林暨致賀請市刑法之書太平御覽開寶通禮文苑英華詔惟賜文苑英華一書以名馬錦綺金帛報其禮運立四年卒子懷王堯嗣未閱歲以病不能爲國國人請其叔父鷄林公熙衛攝政未幾堯卒熙乃立凡數歲使不至元祐四年其王子義天使僧壽介至杭州祭亡僧言國母使持二金塔爲兩宮壽知州蘇軾奏却之語在軾傳熙後避遼

四百七十一
主諱改名顯顯性貪吝好奪商賈利富室犯法輒久
磨責贖雖微罪亦輸銀數斤五年復通使賜銀器五
千兩七年遣黃宗懋來獻黃帝鍼經請市書甚衆禮
部尚書蘇軾言高麗入貢無絲髮利而有五害今請
諸書與收買金箔皆宜勿許詔許買金箔然卒市冊
府元龜以歸元符中遣士賓貢徽宗立遣任懿王叔
來弔賀崇寧二年詔戶部侍郎劉逵給事中吳玘往
使顯卒子侯嗣貢使接踵且令士子金瑞等五人入
太學朝廷爲置博士政和中升其使爲國信禮在夏
國上與遼人皆隸樞密院改引地汗押伴官爲接送館

伴賜以大晟燕樂邊豆簞等器至宴使者于
睿謨殿中宣和四年侯卒初高麗俗兄終弟及至是
諸弟爭立其相李資深立侯子楷來告哀詔給事中
路允迪中書舍人傅墨卿慰侯之在位也求醫於
朝詔使二鑿往留二年而歸楷語之曰聞朝廷將用
兵伐遼遼兄弟之國存之足爲邊扞女真狼虎耳不
可交也業已然願二鑿歸報天子宜早爲備歸奏其
言已無及矣欽宗立賀使至明州御史胡舜陟言高
麗靡敝國家五十年政和以來人使歲至淮浙之間
苦之彼昔臣事契丹今必事金國安知不窺我虛實

四百一十
以報宜止勿使來乃詔留館於明而納其贄幣明年始歸國自王徽以降雖通使不絕然受契丹封冊奉其正朔上朝廷及他文書蓋有稱甲子者歲貢契丹至於六而誅求不已常云高麗乃我奴耳南朝何以厚待之使至其國尤倨暴館伴及公卿小失意輒行摔箠聞我使至必假他事來覘分取賜物嘗詰其西向修貢事高麗表謝其略曰中國三甲子方得一朝大邦一周天每修六貢契丹悟乃得免高宗即位慮金人通於高麗命迪功郎胡蠡假宗正少卿為高麗國使以問之蠡之回史失書二年浙東路馬步軍都

總管楊應誠上言由高麗至女真路甚徑請身使三韓結鷄林以圖迎二聖乃以應誠假刑部尚書充高麗國信使浙東帥臣翟汝文奏言應誠欺罔為身謀耳若高麗辭以金人亦請問津以窺吳越其將何辭以對萬一辱命取笑遠夷願毋遣應誠聞之遂與副使韓衍書狀官孟健由杭州浮海以行六月抵高麗諭其王措以所欲為措曰大朝自有山東路蓋不由登州往應誠曰以貴國路徑耳措有難色已而命其門下侍郎傳佾至館中果對如翟汝文言應誠曰女真不善水戰佾曰彼常於海道往來况女真舊臣本

四百一十
國今反臣事之其強弱可見矣居數月復遣其中書
侍郎崔洪宰知樞密院金富執持前議不變謂二聖
今在燕雲大朝雖盡納土未必可得何不練兵與戰
終不奉詔應該留兩月餘不得已見措於壽昌門受
其拜表而還十月至闕入對言狀上以措負國恩怒
甚尚書右丞朱勝非曰彼鄰金人與中國隔海利害
甚明曩時待之過厚今安能責其報也右僕射黃潛
善曰以巨艦載精兵數萬徑擣其國彼寧不懼勝非
曰越海興師燕山之事可為近鑒上怒解十一月措
遣其臣尹彥頤奉表謝罪詔以二聖未歸燕設不宜

用樂乃設幕殿門外命客省官吳玘與伴賜酒食命
中書舍人張澂押伴如禮遣還三十八月上謂輔臣
曰聞上皇遣內臣宮女各二人隨高麗貢使來朕聞
之悲喜交集曰頤浩曰此必金人之意不然高麗必
不敢安知非窺我虛實以報於是詔止之略曰王緬
守基圖夙同文軌乃附乘桴之信嗣修貢篚之恭惟
忠順之無他質神明而靡愧屬關聞聽良用歎嘉言
念晚年實為多故舉中原之生聚遭強敵之震驚既
涉境以果深猶稱兵而未已茲移汝衛暫駐江湖如
行使之果來恐有司之不戒俟休邊境當問聘期壞

晉館以納車庶無後悔閉漢關而謝質非用前規想
彼素懷知吾誠意紹興元年十月高麗將入貢禮部
侍郎柳約言四明殘破之餘荒蕪單弱恐起戎心宜
屯重兵以俟其至十一月詔柳約奉使高麗不果行
二年閏四月措遣其禮部員外郎崔惟清閤門祇候
沈起入貢金百兩銀千兩綾羅二百疋人參五百斤
惟清所獻亦三之一上御後殿引見賜惟清起金帶
二各以溫詔遣還是月定海縣言民亡入高麗者約
八十人願奉表還國詔候到日高麗綱首卓榮等量
與推恩十二月聞高麗遣知樞密院事洪彝叙等六

十五人來貢議以臨安府學館其使言者謂雖在兵
間不可無學恐為所窺詔以洪惠寺為同文館以待
之既而卒不至六年高麗持牒官金稚圭至明州賜
銀帛遣之懼其為金間也三十二年三月高麗綱首
徐德榮詣明州言本國欲遣賀使守臣韓仲通以聞
殿中侍御史吳希奏曰高麗與金人接壤昔稚圭之
來朝廷懼其為間亟遣還今兩國交兵德榮之請得
無可疑使其果來猶恐不測萬一不至貽笑遠方詔
止之隆興二年四月明州言高麗入貢史不書引見
日恐同彝叙之詐其後使命遂絕慶元間詔禁商人

持銅錢入高麗蓋絕之也初高麗入使明越困於供給朝廷館遇燕賚錫予之費以鉅萬計饋其主者不在焉我使之行每乘二神舟費亦不貲三節官吏糜爵捐廩皆仰縣官昔蘇軾言于先朝謂高麗入貢有五害以此也惟是國於吳會事異東都昔高麗入使率由登萊山河之限甚遠今直趨四明四明距行都限一浙水耳古海道奉使高麗瀰漫汪洋洲嶼險阻遇黑風舟觸礁輒敗出急水門至群山島始謂平達非數十日不至也舟南北行遇順風則歷險如夷至不數日其國東西二千里南北五百里西北接契丹

恃鴨綠江以爲固江廣三百步其東所臨海水清澈下視十丈東南望明州水皆碧王居開州蜀莫郡曰開成府依大山置宮室立城壁名其山曰神嵩民居皆茅茨大止兩椽覆以瓦者才十二以新羅爲東州樂浪府號東京石濟爲金州金馬郡號南京平壤爲鎮州號西京西京最盛總之凡三京四府八牧郡百有十八縣鎮三百九十洲島三千七百郡邑之小者或只百家男女二百十萬口兵民僧各居其一地寒多山土宜松栢有秔黍麻麥而無材以秔爲酒少絲蠶鬘匹縑直銀十兩多衣麻紵王出乘車駕牛歷山險

乃騎紫衣行前捧護國仁王經以導出令曰教曰宣
臣民呼之曰聖上私謂曰嚴公后妃曰宮主百官名
稱階勲功臣檢校頗與中朝相類過御史臺則下馬
遠者有劾士人以族望相高柳在金季四姓爲貴種
無宦者以世族子爲內侍六衛歲十二月朔王坐紫
門小殿注官外官則付國相有國子監四門學學者
六千人貢士三等王城曰土貢郡邑曰鄉貢他國人
曰賓貢間歲試于所屬再試于學所取不過三四十
人然後王親試以詩賦論三題謂之簾前重試亦有
制科宏詞之目然特文具而已士尚聲律少通經王

城有華人數百多閩人因賈舶至者密試其所能誘
以祿仕或強留之終身朝廷使至有陳牒來訴者則
取以歸百官以米爲奉皆給田納祿半給死乃拘之
國無私田民計口授業十六以上則充軍六軍三衛
常留官府三歲以選戍西北半歲而更有警則執兵
任事則服勞事已復歸農畝王亦有分地以供私用
王母妃王世子皆受湯沐田上下以賈販利入爲事
目中爲虛用米布貿易地產銅不知鑄錢中國所予
錢藏之府庫時出傳訖而已崇寧後始學鼓鑄有海
東通寶重寶三韓通寶三種錢然其俗不便也兵器

四百一十
疎簡無強弩大刀崇尚釋教雖王子弟亦常一人爲
僧信鬼拘陰陽病不相視斂不撫棺貧者死則露置
中野歲以建子月祭天國東有穴號歲神常以十月
望日迎祭謂之八關齋禮儀甚盛王與妃嬪登樓大
張樂宴飲賈人曳羅爲幕至百疋相聯以示富三歲
大祭祠遍其封內因是斂民財而王與諸臣分取之
祖廟在國門之外夫祭則具車服冕圭親祠王城有
佛寺七十區而無道觀大觀中朝廷遣道士往乃立
福源院置羽流十餘輩俗不知鑿自王侯來請醫後
始有通其術者人者無枕骨背扁側男子巾幘如唐

裝婦人髻髻垂右肩餘髮被下約以絳羅貫之簪旋
裙重疊以多爲勝男女自爲夫婦者不禁夏月同川
而浴婦人僧尼皆男子拜樂聲甚下無金石之音既
賜樂乃分爲左右二部左曰唐樂中國之音也右曰
鄉樂其故習也堂上設席升必脫履見尊者則膝行
必跪應必唯其拜無不答子拜父猶半答其禮性仁
柔惡殺不屠宰飲食羊豕則包以蒿而燔之刑無慘
酷之科唯惡逆及罵父母者斬餘皆杖肋外郡刑殺
悉送王城歲以八月減囚死罪貸流諸島累赦抵輕
重原之自明州定海遇便風三日入洋又五日抵墨

山入其境自墨山過島嶼詰曲礁石間舟行甚駛七
日至禮成江居兩山間束以石峽湍激而下所謂
急水門最為險惡又三日抵岸有館曰碧瀾亭使人
由此登陸崎嶇山谷四十餘里乃其國都云

列傳卷第二百四十六

列傳卷第二百四十七

宋史四百八十八

開禧儀同三司上柱國錄軍國事兼前書君丞相兼修國史領經筵事都統兼總領等奉
勅修

外國四

交趾 大理

交趾本漢初南越之地漢武平南越分其地為儋耳
珠崖南海蒼梧鬱林合浦交趾九真日南凡九郡置
交趾刺史以領之後漢置交州晉宋齊梁陳因之又
為交趾郡隋平陳廢郡置州煬帝初廢州置郡唐武
德中改交州總管府至德中改安南都護府梁貞明

中土豪曲承美專有其地送款於末帝因授承美節
鉞時劉隱擅命嶺表遣將李知順伐承美執之乃并
有其地後有楊延藝紹洪皆受廣南署繼為交趾節
度使紹洪卒州將吳昌岌遂居其位昌岌死其弟昌
之襲乾德初昌文死其參謀吳處珩峯州刺史矯知
護武寧州刺史楊暉牙將杜景碩等爭立管內一十
二州大亂部民嘯聚起為寇盜攻交州先是楊延藝
以牙將丁公著攝驩州刺史兼禦蕃都督部領即其
子也公著死部領繼之至是部領與其子璉率兵擊
敗處珩等賊黨潰散境內安堵交民德之乃推部領

為交州帥號曰大勝王署其子璉為節度使凡三年
遜璉位璉立七年聞嶺表平遂遣使貢方物上表內
附制以權交州節度使丁璉以檢校太師充靜海軍
節度使安南都護又詔以進奉使鄭瑋王紹祚並為
檢校左散騎常侍兼御史大夫八年遣使貢犀象香
藥朝廷議崇寵部領降制曰率土來王方推以恩信
舉宗奉國宜洽於封崇普拱極之外臣舉顯親之茂
典爾部領世為右族克保遐方夙慕華風不志內附
屬九州混一五嶺廓清靡限滇濤樂輸琛賚嘉乃令
子稱吾列藩特被鴻私以旌義訓介爾眉壽服茲寵

章可授開府儀同三司檢校太師封交趾郡王太宗
即位璉又遣使以方物來賀部領及璉既死璉弟璿
尚幼嗣立稱節度行軍司馬權領軍府事大將黎桓
擅權樹黨漸不可制却遷璿於別第舉族禁錮之代
總其衆太宗聞之怒乃議舉兵太平興國五年秋詔
以蘭州團練使孫全興八作使張璿左監門衛將軍
崔亮爲陸路兵馬部署自邕州路入寧州刺史劉澄
軍器庫副使賈湜供奉官閻門祗候王僕爲水路兵
馬部署自廣州路入是冬黎桓遣牙校江巨湟齎方
物來貢仍爲了璿上表曰臣族本蠻酋僻處海裔修

職貢於宰旅假節制於方隅臣之父兄代承閩寄謹
保封略罔敢怠違爰暨淪亡將隊堂構將吏者臺乃
屬於臣俾權軍旅之事用安夷落之衆土俗獷悍懇
請愈堅拒而弗從慮其生變臣已攝節度行軍司馬
權領軍府事願賜真秩令備列藩干冒宸宥伏增震
越上察其欲緩王師寢而不報王師造討破賊萬餘
衆斬首二千餘級六年春又破賊于白藤江口斬首
千餘級獲戰艦二百艘甲冑萬計轉運使侯仁寶率
前軍先進全興等頓兵花步七十日以候澄仁寶累
從之不進及澄至并軍由水路至多羅村不遇賊復

擅迴花步桓詐降以誘仁寶遂為所害轉運使許仲
 宣馳奏其事遂班師上遣使就効澄湜僕澄尋病死
 戮湜等邕州市全興至闕亦下吏誅餘抵罪有差仁
 寶贈工部侍郎七年春桓懼朝廷終行討滅復以丁
 璿為名遣使貢方物上表謝罪八年桓自稱權交州
 三使留後遣使貢方物并以璿表來上帝賜桓詔曰
 丁氏傳襲三世保據一方卿既受其倚毗為之心膂
 克徇邦人之請無負丁氏之心朕且欲令璿為統帥
 之名卿居副貳之任制置衆心繫於卿俟丁璿既
 寇有所成立卿之輔翼令德彌光崇獎忠勳朕亦何

吝若丁璿將材無取童心如故然其奕世紹襲載綿
 星紀一旦捨去節鉞降同士伍理既非便居亦靡安
 詔到城宜遣丁璿母子及其親屬盡室來歸俟其入
 朝便當揆日降制授卿節旄凡茲兩途卿宜審處其
 一丁璿到京必加優禮今遣供奉官張宗權齎詔諭
 旨當悉朕懷亦賜璿詔書如旨時黎桓已專據其土
 不聽命是歲五月上言占城國水陸象馬數萬來寇
 率所部兵擊走之俘斬千計雍熙二年遣牙校張紹
 馮阮作蕃等貢方物繼上表求正領節鎮三年秋又
 遣使貢方物儋州言占城國人蒲羅遏率其族百餘

四百一十
衆內附言爲交州所逼故也是歲十月制曰王者懋
建皇極寵綏列藩設邸京師所以盛會同之禮昨土
方面所以表節制之雄矧茲踰焉之隅克修設羽之
貢式當易帥爰利建侯不忘請命之恭用舉醕勞之
典權知交州三使留後黎桓兼資義勇特稟忠純能
得邦人之心彌謹藩臣之禮往者丁璿方在童幼昧
於撫綏桓乃肺腑之親專掌軍旅之事號令自出威
愛並行璿盡解三使之權以徇衆人之欲遠輸誠款
求領節旄士燮彊明化越俗而咸乂尉佺恭順稟漢
詔以無違宜正元戎之稱以列通侯之貴控撫夷落

對楊天休可檢校太保使持節都督交州諸軍事安
南都護充靜海軍節度交州管內觀察處置等使封
京兆郡侯食邑三千戶仍賜號推誠順化功臣遣左
補闕李若拙國子博士李覺爲使以賜之端拱元年
加桓檢校太尉進邑千戶實封五百戶遣戶部郎中
魏庠虞部員外郎直史館李度往使焉淳化元年夏
加桓特進邑千戶實封四百戶遣左正言直史館宋
鎬右正言直史館王世則又使焉明年六月歸闕上
令條列山川形勢及黎桓事迹以聞鎬等具奏曰去
歲秋末抵交州境桓遣牙內都指揮使丁承正等以

字四百一十一个
船九艘卒三百人至太平軍來迎由海口入大海員
涉風濤頗歷危險經半月至白藤徑入海汊乘潮而
行凡宿泊之所皆有茅舍三間營葺尚新目爲館驛
至長州漸近本國桓張皇虛誕務爲誇詭盡出舟師
戰擢謂之軍自是宵征抵海岸至交州僅十五里有
茅亭五間題曰茅徑驛至城一百里驅部民畜產妄
稱官牛數不滿千揚言十萬又廣率其民混於軍旅
以雜色之衣乘船鼓譟近城之山虛張白旗以爲陳
兵之象俄而擁從桓至展郊迎之禮桓歛馬側身問
皇帝起居畢按轡偕行時以擯御相遺馬上食之此

風俗待賓之厚意也城中無居民止有茅竹屋數十
百區以爲軍營而府署湫隘題其門曰明德門桓贊
陋而目眇自言近歲與蠻寇接戰墜馬傷足受詔不
拜信宿之後乃張筵飲宴又出臨海汊以爲娛賓之
遊桓跣足持竿入水標魚每中一魚左右皆叫譟歡
躍凡有宴會預坐之人悉令解帶冠以帽子桓多衣
花纈及紅色之衣帽以真珠爲飾或自歌勸酒莫能
曉其詞嘗令數十人扛大蛇長數丈饋於使館且曰
若能食此當治之爲饌以獻焉又羈送二虎以備縱
觀皆却之不受士卒殆三千人悉黥其額曰天子軍

糧以禾穗日給令自舂爲食兵器止有弓弩木牌梭
槍竹槍弱不可用桓輕俛殘忍昵比小人腹心闇豎
五七輩錯立其側好狎飲以手令爲樂凡官屬善其
事者擢居親近左右有小過亦殺之或鞭其背一百
至二百賓佐小不如意亦捶之三十至五十黜爲閹
吏怒息乃召復其位有木塔其制樸陋桓一日請同
登遊覽地無寒氣十一月猶衣夾衣揮扇云四年進
封桓交趾郡王五年遣牙校費崇德來修職貢然
桓性本兇狠負阻山海屢爲寇害漸失藩臣禮至道
元年春廣南西路轉運使張觀欽州如洪鎮兵馬監

押衛昭美皆上言有交州戰船百餘艘寇如洪鎮略
居民劫廩實而去其夏桓所管蘇茂州又以鄉兵五
千寇邕州所管綠山都巡檢楊文傑擊走之太宗志
在撫寧荒服不欲問罪觀又言風聞黎桓爲丁氏斥
逐擁餘衆山海間失其所據故以寇鈔自給今則桓
已死觀仍上表稱賀詔太常丞陳士隆高品武元吉
奉使嶺南因偵其事士隆等復命所言與觀同其實
桓尚存而傳聞者之誤觀等不能審覈未幾有大賈
自交趾回具言桓爲帥如故詔勅觀等會觀病卒昭
美士隆元吉抵罪先是欽州如洪咄步如昔等三鎮

四百一十一
王
皆瀕海交州潮陽民卜文勇等殺人并家亡命至如
昔鎮鎮將黃令德等匿之桓令潮陽鎮將黃成雅移
牒來捕令德固不遣因茲海賊連年剽掠二年以工
部員外郎直史館陳堯叟爲轉運使因賜桓詔書堯
叟始至遣攝雷州海康縣尉李建中賫詔勞問桓堯
叟又至如昔詰得匿文勇之由盡擒其男女老少一
百三十口召潮陽鎮吏付之且戒勿加酷法成雅得
其人以狀謝堯叟桓遂上章感恩并捕海賊二十五
人送于堯叟且言已約勒谿洞首領不得騷動七月
太宗遣主客郎中直昭文館李若拙賫詔書充國信

使以美玉帶往賜桓若拙既至桓出郊迎然其詞氣
尚悖慢謂若拙曰向者劫如洪鎮乃外境蠻賊也皇
帝知此非交州兵否若使交州果叛命則當者攻番
禺次擊閩越豈止如洪鎮而已若拙從容謂桓曰上
初聞寇如洪鎮雖未知其所自然以足下按自交州
牙校授之節制固當盡忠以報豈有他慮及見執送
海賊事果明白然而大臣僉議以爲朝廷比建節帥
以寧海表今既蠻賊爲寇害乃是交州力不能獨制
矣請發勁卒數萬會交兵以剪滅之使交廣無後患
上曰未可輕舉慮交州不測朝旨或致驚駭不若且

四百一十
委黎桓討擊之亦當漸至清謐今則不復會兵也桓愕然避席曰海賊犯邊守臣之罪也聖君容貸恩過父母未加誅責自今謹守職約保未清於漲海因此望願首謝真宗即位進封桓南平王兼侍中桓前遣都知兵馬使阮紹恭副使趙懷德以金銀七寶裝交椅一銀盆十犀角象牙五十枚綃紬布萬匹來貢詔陳于萬歲殿太宗神御許紹恭等拜奠及迴賜桓帶甲馬詔書慰獎咸平四年又遣行軍司馬黎紹留使副何慶常以馴犀一象二象獬二七寶裝金瓶一束貢其年欽州言交州効誠場民及頭首八州使苦

集等數百人來投有詔慰撫也也還本道廣南西路言黎桓迎受官告使黃成雅附奏自今國朝加恩願遣使至本道以寵海裔先是使至交州桓即以供奉為辭因緣賦斂上聞之止令疆吏召殺命不復專使景德元年又遣其子攝驩州刺史明提來貢懇求加恩使至本道慰撫遐裔許之仍以明提為驩州刺史二年上元節賜明提錢令與占城大食使觀燈宴飲因遣工部員外郎邵暉充國信使三年桓卒立中子龍鉞龍鉞兄龍全劫庫財而遁其弟龍廷殺龍鉞自立龍廷兄明護率扶闌若攻戰明提以國亂不能還特

四百一十八
詔廣州優加資給知廣州凌策等言桓諸子爭立衆
心離叛頭首黃慶集黃秀蠻等十餘人以不從驅率
戮及親族來投康州請發本道二千入平之慶集等
願爲前鋒上以桓素忠順屢修職貢今幸亂而伐喪
不可就改國信使邵晔爲緣海安撫使令晔譬之慶
集等仍計口賜田糧晔乃貽書交州諭以朝廷威德
如其自相魚肉又無定位偏師問罪則黎氏盡滅矣
明護懼即奉龍廷主軍事龍廷自稱節度開明王遂
欲修貢晔以聞上曰遐荒異俗不曉事体何足恠也
令削去僞官晔又言頭首黃慶集先避亂歸化其種

族尚多若復遣還慮遭屠戮詔以慶集隸三班釐務
于郴州遂許入貢四年龍廷稱權安南靜海軍留後
遣弟峯州刺史明和副使女南掌書記殿中丞黃成
雅等來貢會含光殿大宴上以成雅坐遠欲稍升位
著訪於宰相王旦旦曰昔子產朝周周王饗以上卿
之禮子產固辭受下卿之禮而還國家惠綬遠方優
待客使固無嫌也乃升成雅于尚書省五品之次詔
拜龍廷特進檢校太尉充靜海軍節度觀察處置等
使安南都護兼御史大夫上柱國仍封交趾郡王食
邑三千戶食實封一千戶賜推誠順化功臣仍賜名

四百一十個
至忠給以旌節又追贈桓中書令南越王進奉使黎
明昶等並進秩大中祥符元年天書降加翊戴功臣
食邑七百元實封三百戶東封畢加至忠同平章事
食邑一千元實封四百戶二年廣南西路言蠻人
劫海口蠻戶如洪若生李文著以輕兵襲逐中流矢
死詔督安南捕賊明年執狄獠十三人以獻至忠又
遣推官阮守疆以犀角象齒金銀紋綉等來貢并獻
馴犀一上以犀遠土性不可養畜卻不納又以逆至
忠意使者既去乃令縱之海澨三年遣使來朝表求
甲冑具裝詔從其請又求互市于邕州本道轉運使

以聞上曰瀕海之民數患交州侵寇仍前止許廉州
及如洪若互市蓋為邊隅控扼之所今或直趨內地
事頗非便詔令本道以舊制諭之至忠纔年二十六
苛虐不法國人不附大校李公蘊尤為至忠親任嘗
令以黎為姓其年遂圖至忠逐之殺明提昶等有
稱留後遣使貢奉上曰黎桓不義而得公蘊志而効
之甚可惡也然以其蠻俗不足責遂用桓故事制授
特進檢校太傅充靜海軍節度觀察處置等使安南
都護兼御史大夫上柱國封交趾郡王食邑三千元
實封一千元賜推誠順化功臣公蘊又表求太宗銜

書詔賜百軸四年祀汾陰后土公蘊遣節度判官梁
任文觀察巡官黎再嚴以方物來貢禮成加公蘊同
平章事食邑一千戶實封四百戶任文等並優進秩
五年夏以進奉使李仁美爲誠州刺史陶慶文爲太
常丞其從隸有道病死者所賜附還其家是冬聖祖
降加公蘊開府儀同三司食邑七百萬戶實封三百戶
賜翊戴功臣七年春又加保節守正功臣食邑一千
戶實封四百戶詔交阯諸國使人貢者所在館餼供
億務令豐備其年遣知唐州刺史陶碩等來貢詔以
碩爲順州刺史充安南靜海軍行軍司馬副使吳懷

副爲澄州刺史充節度副使先是交州狄獠張婆看
避罪來奔知欽州穆重穎召之至中路復拒焉都巡
檢臧嗣遂令如洪若犒以牢酒交州偵知其事因捕
狄獠故鈔如洪若掠人畜甚衆詔轉運司督公蘊追
索仍令疆吏自今不得誘召蠻獠致生事公蘊或間
歲或仍歲以方物入貢天禧元年進封公蘊南平王
加食邑一千戶實封四百戶三年加檢校太尉食邑
一千戶實封四百戶每加恩皆遣使將命至其境上
仍賜器幣襲衣金帶鞍馬焉仁宗即位加公蘊檢校
太師遣長州刺史李寬秦都護副使阮守疆來貢天

聖六年遣驪州刺史李公顯來貢除叙州刺史既而
 令其子弟及其婿申承貴率衆內寇詔廣南西路轉
 運司發溪峒丁壯討捕之未幾卒年四十四其子德
 政自稱權知留後事來告哀贈公蘊爲侍中南越王
 命本路轉運使王惟正爲祭奠使又爲賜官告使除
 德政檢校太尉靜海軍節度使安南都護交趾部王
 天聖九年遣知峯州刺史李僊佺知愛州刺史帥日
 新等來謝以僊佺爲驪州刺史日新爲珍州刺史明
 道元年恭謝加同中書門下平章事景祐中郡人陳
 公永等六百餘人內附德政遣兵千餘境上捕逐之

詔遣還仍戒德政毋得輒誅殺尋遣靜海軍節度判
 官陳應機掌書記王惟慶來貢以應機爲太子中允
 惟慶爲大理寺丞德政加檢校太師三年其甲峒及
 諒州門州蘇茂州廣源州大發峒丹波縣蠻寇邕州
 之思陵州西平州石西州及諸峒略居人馬牛焚室
 廬而去下詔責問之且令捕酋首正其罪以聞寶元
 元年進封南平王康定元年遣知峯州刺史帥用和
 節度副使杜猶興等來貢慶曆三年又遣節度副使
 杜慶安三班奉職梁材來以慶安爲順州刺史材爲
 太子左監門率府率六年又遣兵部員外郎蘇仁祚

宋史四百八十八
 皇朝通志卷之四十一
 十一
 黃安寫

東頭供奉官陶惟權來以仁祚爲工部郎中惟權爲
內殿崇班明年又遣秘書丞杜文府左侍禁文昌來
以文府爲屯田員外郎昌爲內殿崇班初德政發兵
取占城朝廷疑其內畜姦謀乃訪自唐以來所通道
路凡十六處令轉運使杜杞度其要害而戍守之然
其後亦未嘗寇邊前後累貢馴象皇祐二年邕州誘
其蘇茂州韋紹嗣紹欽等三千餘人入居省地德政
表求所誘詔盡還之仍令德政約束邊戶毋相侵犯
其後廣源州蠻儂智高反德政率兵二萬由水路欲
入助王師朝廷優其賜而卻其兵至和二年卒其二

日尊遣人告哀命廣南西路轉運使尚書屯田員外
郎蘇安世爲弔贈使贈德政爲侍中南越王賻賚甚
厚尋除日尊特進檢校太尉靜海軍節度使安南都
護封交趾郡王嘉祐三年貢異獸二四年寇欽州思
稟管五年與甲峒賊寇邕州詔知桂州蕭固發部兵
與轉運使宋咸提點刑獄李師中同議掩擊又詔安
撫使余靖等發兵捕討靖遣謀誘占城同廣南西路
兵甲趨交趾日尊惶怖上表待罪詔未得舉兵聽日
尊貢奉至京師八年遣文思使梅景先副使大理評
事李繼先貢馴象九年四月戊寅以大行皇帝詔及

遺留物賜日尊加同中書門下平章事是日交趾使
辭命內侍省押班李繼和喻以申紹泰入寇本路屢
乞討伐而朝廷以紹泰一夫肆狂又本道已遣使謝
罪故未欲興兵治平初知桂州陸誥言交州來求饒
宗旦男日新及欲取溫悶洞等地帝問交趾於何年
割據輔臣對曰自唐至德中改安南都護府梁貞明
中土豪曲承美專有此地韓琦曰向以黎桓叛命太
宗遣將討伐不服後遣使招誘始效順交州山路峻
僻多瘴霧瘴毒之氣雖得其地恐不能守也神宗即
位進封日尊南平王熙寧元年加開府儀同三司二

年表言占城國久闕貢臣親帥兵討之虜其王詔以
其使郭士安爲六宅副使陶宗元爲內殿崇班日尊
自帝其國僭稱法天應運崇仁至道慶成龍祥英武
睿文尊德聖神皇帝尊公蘊爲太祖神武皇帝國號
大越改元寶象又改神武五年三月日尊卒命廣西
轉運使康衛爲弔贈使予所奪州縣詔報之曰卿撫
有南交世受王爵而乃背德奸命竊暴邊城棄祖考
忠順之圖煩朝廷討伐之舉師行深入勢蹙始歸迹
其罪尤在所絀削今遣使修貢上章致恭詳觀詞情
灼見後悔朕撫綏萬國不異邇遐但以邕欽之民遷

劫炎陬久失鄉井俟盡送還省界即以廣源等賜交
州乾順初約歸三州官吏千人之才送民二百二
十一口男子年十五以上皆刺額曰天子兵二十以
上曰投南朝婦人刺左手曰官客以舟載之而泥其
戶牖中設燈燭日行一二十里則止而偽作更鼓以
報凡數月乃至益以給示海道之遠也順州落南深
置戍鎮守被暹漳霧多病沒陶弼亦終於官朝廷知
其無用乃悉以四州一縣還之然廣源舊隸邕管羈
縻本非交趾所有也元豐五年獻馴象二犀角象齒
百六年以追捕儂智會為辭犯歸化州又遣其臣黎

文盛來廣西經理順安歸化境界經略使熊本遣左
江巡檢成卓與議文盛稱陪臣不敢爭執詔以文盛
能遵乾德恭順之意賜之袍帶及絹五百匹乃以八
隘之外保樂六縣宿桑二峒予乾德哲宗立加同中
書門下平章事元祐中又數上表求勿惡勿陽峒地
詔不許二年遣使入貢進封南平王徽宗時累加開
府儀同三司檢校太師大觀初貢使至京乞市書籍
有司言法不許詔嘉其慕義除禁書卜筮陰陽曆筭
術數兵書敕令時務邊機地理外餘書許買政和末
又詔以交人自熙寧以來全不生事特寬和市之禁

宣和元年加乾德守司空建炎元年詔廣西經略安撫司禁邊民毋受安南逋逃從其主乾德之請也四年安南入貢詔卻其方物之華靡者賜敕書厚其報以懷柔之紹興二年乾德卒贈侍中追封南越王子陽煥嗣授靜海軍節度使特進檢校太尉封交趾郡王賜推誠順化功臣八年陽煥卒以轉運副使朱希充弔祭使贈陽煥開府儀同三司追封南平王子天祚嗣授官如其父初封之制九年詔廣西帥司毋受趙智之入貢初乾德有側室子奔大理變姓名爲趙智之自稱平王聞陽煥死大理遣歸與天祚爭立求

入貢欲假兵納之帝不許十七年詔又思院製鞍韉以賜天祚二十一年累加天祚崇義懷忠保信鄉德安遠承和功臣二十五年詔館安南使者於懷遠驛賜宴以彰異數進封天祚南平王賜襲衣金帶鞍馬二十六年命右司郎中汪應辰宴安南使者於玉津園八月天祚遣李國等以金珠沉水香翠羽良馬馴象來貢詔加天祚檢校太師增食邑隆興二年天祚遣尹子思鄧碩儼等貢金銀象齒香物乾道六年累加天祚歸仁協恭繼美遵度履正彰善功臣帝自即位屢却安南貢使九年天祚復遣尹子思李邦正求

宋史四百八十八 黃安傳

四百令十一个
入貢帝嘉其誠許之詔館於懷遠驛廣南西路經略
安撫使范成大言本司經略諸蠻安南在撫綏之內
其陪臣豈得與中國王官尤禮政和間貢使入境皆
屏參不復報謁宜遵舊制於禮爲得朝廷從其請淳
熙元年二月進封天祚安南國王加號守謙功臣二
年賜安南國印三年賜安南國曆日天祚卒明年子
龍翰嗣位授靜海軍節度使觀察處置等使特進檢
校太尉兼御史大夫上柱國特封安南國王加食邑
仍賜推誠順化功臣制曰即樂國以肇封既從世襲
極真王而錫命何待次升示殊禮也五年貢方物上

表稱謝九年詔卻安南所貢象以其無用而煩民他
物亦止受什一十六年累加龍翰守義奉國履常懷
德功臣光宗即位奉表入貢稱賀寧宗朝賜衣帶器
幣累加謹度思忠濟美勤禮保節歸仁崇謙協恭功
臣及食邑焉嘉定五年龍翰卒詔以廣西運判陳孔
碩充弔祭使特贈侍中依前安南國王制以其子吳
昌襲封其爵位給賜如龍翰始封之制仍賜推誠順
化功臣其後謝表不至遂輟加恩吳昌卒無子以女
昭聖主國事遂爲其婿陳日昷所有李氏有國自公
蘊至吳昌凡八傳二百二十餘年而國亡淳祐二年

四百八
詔安南國王陳日熈元賜劾忠順化保節功臣增守
義二字寶祐六年詔安南情狀叵測申飭邊備景定
二年貢象二三年表乞世襲詔日熈授檢校大師安
南國大王加食邑男威晃授靜海軍節度使觀察處
置使檢校太尉兼御史大夫上柱國安南國王劾忠
順化功臣賜金帶器幣鞍馬咸淳五年詔安南國王
父日熈國王威晃加食邑八年明堂禮成日熈威晃
各加食邑賜鞍馬等物

大理國即唐南詔也熙寧九年遣使貢金裝碧玕山
檀扇刀劔犀皮甲鞍轡自後不常來亦不領於鴻臚
政和五年廣州觀察使黃璘奏南詔大理國慕義懷
徠願為臣妾欲聽其入貢詔璘置局於賓州凡有奏
請皆俟進止六年遣進奉使天駟奕參賁李紫琮副
使坦綽李伯祥來詔璘與廣東轉運副使徐惕偕詣
闕其所經行令監司一人主之道出荆湖南當由邵
州新化縣至鼎州而璘家潭之湘鄉轉運判官喬方
欲媚璘乃排比由邵至潭由潭至鼎一路御史劾其
當農事之際而觀望勞民詔罷方紫琮等過鼎聞學
校文物之盛請於押伴求詣學瞻拜宣聖像邵守張
察許之遂往通謁見諸生又乞觀御書閣舉笏扣首

四百一十
七年二月至京師貢馬三百八十八匹及麝香牛黃細
氈碧玕山諸物制以其王段和譽爲金紫光祿大夫
檢校司空雲南節度使上柱國大理國王朝廷以爲
璘功并其子暉昨皆遷官少子暉爲閣門宣贊舍人
已而知桂州周種劾璘詐冒璘得罪自是大理復不
通於中國間一至黎州互市紹興三年丁月廣西奏
大理國求入貢及售馬詔卻之不欲以虛名勞民也
朱勝非奏曰昔年大理入貢言者深指其妄黃璘由
是獲罪帝曰遐方異域何由得實但讎當其馬價則
馬方至用益騎兵不爲無補也六年七月廣西經略

安撫司奏大理復遣使奉表貢象馬詔經略司護送
行在優禮答之九月翰林學士朱震上言乞諭廣西
帥臣凡市馬當擇謹厚者任之毋遣好功喜事之人
以啓邊釁異時南北路通則漸減廣西市馬之數庶
幾消患於未然詔從之淳熙二年十一月知靜江府
張栻申嚴保伍之禁又以邕管戍兵不能千人左右
江峒丁十餘萬每時以爲藩蔽其邕州提舉巡檢官
宜精其選以撫峒丁欲制大理當自邕管始云

列傳卷第二百四十七

字二百七十二个



